

Вячеслав Сергеевич Биби́ков

Чужис 1938 вося сора төлысь 30 лунö Орёл обласьтса Путимец грездын. Помалис Ленинградса инженерно-стрöительной институт.

Вячеслав Сергеевич Биби́ковлön уджыс йитчöма Коми Республикакод. Сийö уджаліс юралысь инженерöн Воркута карса «Печоршахтострой» комбинатын. 1976 восянь В.С. Биби́ков веськöдліс Усинск карын «Усинскстрой» трестöн, кодöс сэки сöмын на заводітисны кыпöдны. Бöрынджык Вячеслав Сергеевич овмöдчис Сыктывкарö да босьтчис юрнуöдны «Бумпромстрой» трестöн.

В.С. Биби́ков пунктіс зэв ыджыд пай Коми Республика сöвмöдöмö. Сы отсöгöн Воркутаын, Ухтаын, Усинскын да Сыктывкарын кыпöдісны уна производственной стрöйба, социальной да культурно-бытöвой объект, олан керка. На лыдысь торйöн колö пасйыны Сыктывкарса ЛПК.

В.С. Биби́ков дыр кад чöж уджаліс производствöын, кужис унатор босьтны төд вылö. Буретш та вöсна республикаöн юрнуöдысьяс индісны сійöс Коми АССР-са (бöрынджык ССР-са) Министрьяс Сöветöн Юрнуöдысьöс вежысьöн, Архитектура да стрöитчöм серти Коми ССР-са канму комитетöн веськöдлысьöн, а бöрынджык – Коми Республикаса Юралысьöс вежысьöн, архитектура, стрöитчöм, коммунальной овмöс да энергетика министрöн.

Уна во сьöлöмсянь уджалöмысь Вячеслав Сергеевич Биби́ковлы канмусянь сетöма уна награда – Уджывьса Гөрд Знамя орден, «Айму водзын заслугаясысь» IV тшупöда орден, «Почёт пас» орден. Сылön эмöсь «Россия Федерацияса нимöдана стрöитчысь» да «Коми Республикаса народной овмöсын нимöдана уджалысь» нимьяс.